

Na osnovu članova 18., 87. i 90. Zakona o javnim nabavkama („Službeni glasnik BiH“ br. 39/14), člana 4. Pravilnika o postupku direktnog sporazuma („Službeni glasnik BiH“, broj: 90/14), člana 17. Pravila JU MES-Međunarodni teatarski festival-Scena MESS broj:257/16, od 10 maja 2016. godine, Plana nabavki JU „MES-Međunarodni teatarski festival-Scena MESS“ broj: 02-II-52/19 od 25.02.2019.godine, Poziva za dostavu ponuda broj: 01-IX-513-/19, od 19.09.2019. godine, Ponude ponuđa broj: 1513/2019 od 24.09.2019. godine zaključuje se:

Ugovor o javnoj nabavci usluga putem direktnog sporazuma

- 1. Javna ustanova „MES- Međunarodni teatarski festival- Scena MESS“**, sa sjedištem u Sarajevu, ul. Maršala Tita 54., koju zastupa direktor Nihad Kreševljaković , kao naručilac usluga (u daljem tekstu: Naručilac roba), s jedne strane i
- 2. Agencija za zaštitu ljudi i imovine GAMA AA d.o.o.**, Bulevar Meše Selimovića 16, 71000 Sarajevo, JIB: 4201829970007, a koga zastupa Aida Jašarević, direktor, kao Izvršilac usluga (u daljem tekstu: Izvršilac usluga), s druge strane.

I. Predmet ugovora

Član 1.

Predmet ovog ugovora je nabavka usluga pružanja usluga fizičke zaštite ljudi i imovine , koje podrazumijevaju pružanje usluge zaštite u skladu sa Zakonom o agencijama i unutrašnjim službama za zaštitu ljudi i imovine (Sl. Novine F BiH 78/08 i 67/13), (u daljnjem tekstu Zakon o agencijama) za potrebe JU „MES-Međunarodni teatarski festival Scena-MESS"z a potrebe organizacija predstojećeg 59. Festivala MESS koji će se održati od 28. septembra do 4. oktobra 2019. godine, a sve u skladu sa dostavljenom ponudom ponuđača broj: 1513/19 od 24.09.2019. godine, koja je sastavni dio ovog ugovora.

Član 2.

Fizička zaštita manifestacije podrazumijeva:

- Zaštita ljudi i imovine;
- kontrola ulaza i pregled svih posjetilaca prilikom ulaska u štićeni prostor;
- pregled karata i pozivnica posjetilaca pri ulasku u prostor;
- Čuvanje tehničke i druge opreme naručioca;
- onemogućavanje ulaska u štićeni prostor, licima koja su u vidno alkoholiziranom stanju ili pod uticajem droga
- intervencija u slučaju nezakonitih dešavanja (narušavanje javnog reda i mira, neovlašteni ulazak u prostor, otuđivanje ili oštećivanje imovine naručioca);
- informiranje nadležne policijske uprave o nezakonitim dešavanjima i eventualno zadržanim počiniocima;
- ostale poslove koji nisu izričito navedeni u ovom ugovoru, a proizilaze iz prirode Ugovora ili iz Zakona o agencijama.

Član 3.

- (1) Usluge obezbjeđenja obavljat će 2 (dva) uniformisanih i certificiranih zaštitara davaoca usluga (od toga 1 (jedna) djevojka).
- (2) U slučaju potrebe i sigurnosne procjene, broj zaštitara se može povećati.
- (3) Fizička zaštita će se vršiti prema utvrđenom planu i programu koji je sastavni dio ovog Ugovora u periodu od 28.09.2019. do 04.10.2019. godine.

Član 4.

Ugovorena cijena za izvršenje predmetnih usluga je data u ponudi ponuđača i iznosi 13,00 KM (trinaest konvertibilnih maraka i 00/100) bez PDV-a po radnom satu jednog angažovanog zaštitara.

Ugovor će se realizovati u skladu sa pojedinačnim potrebama Ugovornog organa za predmetnom nabavkom, a najviše do iznosa utvrđenog Planom nabavki za ovu uslugu 3.500 KM (tri hiljade i pet stotina) bez PDV-a.

II. Prava i obaveze ugovornih strana

Član 5.

(1) Izvršilac usluga se obavezuje da će nabavku koja je predmet ovog Ugovora vršiti prema Naručiocu, u navedenom periodu, prema utvrđenoj specifikaciji i uslovima iz prihvaćene ponude.

(2) Izvršilac usluga se obavezuje:

- da će rad u skladu sa ovim ugovorom obavljati savjesno, odgovorno, stručno u skladu sa Zakonom o agencijama i propisanim procedurama,
- davalac usluga odgovara za štetu, koju bi počinili njegovi uposlenici nesavjesnim i neodgovornim radom ili radom koji bi bio u suprotnosti sa obavezama iz ovog ugovora,
- da će odgovorne osobe davaoca usluga vršiti redovnu kontrolu uposlenika u smislu ispunjavanja odredbi ovog ugovora i redovno informisati odgovorne osobe naručioca o svim informacijama bitnim za zaštitu ljudi i imovine naručioca.

Član 6.

Naručilac usluga se obavezuje redovno informisati osobe za kontakt davaoca usluga o svim operativnim informacijama bitnim za pružanje usluga zaštite u skladu sa ovim ugovorom, a posebno:

- promjena kontakt osobe;
- izmjena radnog vremena, režima rada;
- promjena telefonskog broja;
- promjena pisanih uputstava;
- druge informacije koje bitno mijenjaju način pružanja usluga zaštite u skladu sa odredbama ovog ugovora i Zakona o agencijama.

Član 7.

Naručilac se obavezuje da će sve dodatne usluge zaštite izvan dogovorenog obima, vremena i lokacija iz ovog ugovora naručiti pismenim putem najkasnije 24 sata prije početka pružanja usluge zaštite.

Član 8.

(1) Plaćanje dobavljaču će se vršiti putem Jedinственog računa Trezora Kantona Sarajevo u skladu sa politikom Trezora.

(2) Uplatu dobavljaču će se izvršiti na račun izvršioca usluga kod poslovne banke.

Član 9.

Dostavljena faktura Naručiocu predstavljaju osnov za plaćanje ugovorne cijene.

Vrijeme izvršenja ugovora

Član 10.

Izvršilac usluge se obavezuje da će uslugu koja je predmet ugovora izvršiti za vrijeme trajanja predstojećeg 59. Festivala MESS koji će se održati od 28. septembra do 4. oktobra 2019. godine.

Član 11.

Strana koja povrijedi svoju Ugovornu obavezu odgovorna je drugoj strani nadoknaditi nastalu štetu, u tom slučaju nastaje ugovorna odgovornost za štetu u skladu s odredbama Zakona o obligacionim odnosima.

Način prestanka ugovornog odnosa

Član 8.

Ovaj ugovorni odnos prestaje istekom perioda na koji je zaključen, a prije toga može prestati sporazumom ugovornih strana ili jednostranim otkazom jedne od ugovornih strana.

Prijelazne i završne odredbe

Član 12.

Na sve ono što nije regulisano ovim ugovorom primjenjuju se odredbe Zakona o obligacionim odnosima, Zakona o javnim nabavkama, te odredbe drugih provedbenih propisa.

Član 13.

Ugovorne strane su saglasne da sve eventualne sporove koji mogu nastati povodom ovog ugovora rješavaju sporazumno, a ako u tome ne uspiju ugovaraju mjesnu nadležnost suda u Sarajevu.

Član 14.

Ugovor se primjenjuje datumom potpisivanja od obje ugovorne strane, a sastavljen je u tri istovjetna primjerka, od kojih dobavljač roba zadržava jedan, a naručilac dva.


Izvršilac usluga:

Aida Jašarević, direktor


Naručilac usluga:

Direktor ustanove
Nihad Kreševljaković

Broj: 15361/19

Datum: 30.09.2019. GOD.

Broj: 01-IX-555-2/19

Datum: 26.09.2019.